



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACIÓN AMIGOS DEL CAMINO DE SANTIAGO EN PALENCIA.

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

Que a Asociación Amigos del Camino de Santiago en Palencia ten entre os seus fins:

- *Integrar a tantas persoas estén interesadas na conservación, defensa e promoción do Camiño de Santiago, sen outros límites que os establecidos pola Lei.*
- *Fomentar a peregrinación tradicional a Santiago de Compostela, seguindo o Camiño medieval.*
- *Fomentar a conservación, defensa e promoción do Camiño de Santiago.*
- *Fomentar a hospitalidade na atención aos peregrinos que se dirixan a Santiago de Compostela.*

Entre as diversas actuacións que promoven está: organización, administración e xestión de instalacións e institucións dedicadas especialmente á axuda aos peregrinos, viaxeiros e turistas mediante a creación de albergues, refuxios, centros de información, etc.; estudos e investigacións sobre o Camiño de Santiago e a súa contorna; organización e xestión de persoal voluntario con destino ás actividades que se desenvolvan no Camiños de Santiago en xeral e no tramo palentino do Camiño de Santiago en particular; creación de centros de estudo, de información e documentación, arquivos, bibliotecas e xeral calquera actividade relacionadas cos Camiños de Santiago e co Camiño Francés en particular; a información e apoio aos peregrinos que cheguen ao camiño de Santiago de Compostela; promoción e



realización de así como todo tipo de actividades culturais; actuación diante de organismos, institucións, entidades e persoas, tanto públicas como privadas, en orde á defensa e conservación do patrimonio cultural do Camiño de Santiago, etc.

A Asociación de Amigos del Camino de Santiago en Palencia leva adiante a súa finalidade de divulgación, defensa e promoción do Camiño de Santiago mediante a celebración de diversas actividades. Para este ano 2016 ten previstas as seguintes

a/ Celebración día do libro

A realizar entre o 22 e 24 de abril no Real Monasterio de San Zoilo de Carrión de los Condes e consistiran nas seguintes actividades:

- xornada de portas abertas na Biblioteca Jacobea desta Asociación
- proxección do documental "Las mejores bibliotecas del mundo"
- presentación do libro "Andando versos por Carrión... y otros poemas"
- I Feria del Libro Xacobeo

b/ Exposición fotográfica "Lugares cluniacienses en España" que coincidirá coa Asemblea europea de "Sitio Cluniacienses" a celebrar no Monasterio de San Zoilo de Carrión de los Condes. A exposición estará aberta ao público se xuño a outubro.

c/ Exposición de escultura moderna do artista Jesús Salán Pelayo titulada "Artistas de la ruta jacobea" nos meses de xuño e xullo.

Con estas actividades a Asociación palentina pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia. Polo tanto estas actividades fomentarán o propio Camiño e a súa difusión.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.



Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratéxico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago
- Se contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redunda de maneira efectiva na conservación, recuperación e difusión do Camiño de Santiago e da cultura xacobeá especialmente na provincia de Palencia
- Este colectivo realiza un meritorio labor arredor do Camiño francés, salientando especialmente o seu labor na creación da Biblioteca Jacobea, unha iniciativa pioneira que conta cun amplo número de volumes centrados nesta temática e situada no Real Monasterio de San Zoilo de Carrión de los Condes.

b/ criterios específicos:

- A Asociación de Amigos del Camino de Santiago en Palencia posúe un número socios en torno ás 700 de persoas espalladas por ese territorio.
- A implantación da Asociación no territorio da provincia de Palencia está moi consolidada. O seu labor de conservación e sinalización do Camiño nese territorio é amplamente recoñecido.
- Esta Asociación co seu amplo labor e coas súas numerosas actividades contribúe notablemente ao incremento do fluxo de peregrinos desa provincia e por extensión da Comunidade Autónoma de Castela e León, que ocupa un dos primeiros lugares de afluencia e peregrinos é cómpre manter.
- A colaboración co Itinerario Cultural Europeo dos “Sitios cluniacienses” resulta de grande interese para establecer relacións de colaboración entre o Camiño Santiago, primeiro itinerario cultural europeo, e este outro relacionado con Cluny tal como sinalan as recomendacións do Instituto Europeo dos Itinerarios Culturais do Consello de Europa.



O orzamento da actividade a financiar ao abeiro deste convenio é o seguinte:

Concepto	Importe
Celebración Día del libro	
- Publicación del libro "Andando versos por Carrión... y otros poemas"	1.100,00
- Proxección audiovisual "las mejores bibliotecas del mundo"	242,00
- Publicidade: carteis e programas	400,00
- Gastos de comunicación e outros menores	150,00
Total	1.892,00
Exposición fotográfica "Lugares clunicienses"	
- Impresión de 20 fotografías en papel aluminio 3 mm	1.114,00
- Publicidade: carteis e programa	380,00
- Gastos de montaxe	200,00
Total	1694,00
Exposición esculturas "Artistas en la ruta jacobea"	
- Seguros	510,00
- Publicidade: Carteis e programas	350,00
- Peanas para as esculturas	300,00
- Gastos de montaxe	230,00
Total	1390,00
Total actividades	4.976,00

A S.A. de Xestión do Plan Xacobeo aboará a cantidade de 3.000,00 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscripción deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente